



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA TANO

Kikao cha Nne – Tarehe 20 Februari, 2017.

Kikao Kitaanza Saa 3.00 (Tatu) Asubuhi
na Dua itasomwa.

I. HATI ZA KUWASILISHA MEZANI:

Waziri wa Afya:

Hotuba ya Uwasilishaji wa Mswada wa Marekebisho ya Sheria ya Chakula, Dawa na Vipodozi Sheria Nam. 2 ya 2006.

Mwenyekiti wa Kamati ya Ustawi wa Jamii:

Hotuba ya Maoni ya Kamati ya Ustawi wa Jamii kuhusu Mswada wa Marekebisho ya Sheria ya Chakula, Dawa na Vipodozi Sheria Nam. 2 ya 2006.

II. MASWALI:

Ofisi ya Rais, Tawala za Mikoa, Serikali za Mitaa na Idara Maalum za SMZ:

76. MHESHIMIWA SULEIMAN SARAHAN SAID (Jimbo la Chake Chake - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ.

Serikali ya Mapinduzi ya Zanzibar inastahiki pongezi kwa kusimamia Utawala Bora kuitia Idara Maalum za SMZ, kwa kusimamia Vikosi vyake kwa ufanisi na kwa taaluma za kisasa katika kazi zake ambapo kuna wapiganaji waadilifu na wenye kujitolea kwa ujuzi na kwa imani ya nchi.

- a) Je, Serikali inawapandisha vyeo au kuwapa mafunzo wapiganaji kila baada ya miaka mingapi.
- b) Je, kuna utaratibu gani wa kupata tunzo au kupandishwa vyeo wapiganaji wanaojitolea kufanya kazi zaidi zisizo za kawaida.
- c) Je, Serikali inawapa adhabu gani wapiganaji wasio waadilifu.

Wizara ya Fedha na Mipango

47. MHESHIMIWA ABDALLA MAULID DIWANI (Jimbo la Jang'ombe) - Atamuuliza Mheshimiwa Waziri wa Fedha na Mipango.

Kumekuwa na malalamiko makubwa kutoka kwa wawekezaji wanaotaka kuwekeza nchini hasa kuhusu usumbufu wa kupata vibali mbali mbali ili kuwekeza nchini hali inayochochea kukwama kwa baadhi ya miradi ya uwekezaji.

- a) Je, hatua zipi zinachukuliwa kuondoa hali hiyo.
- b) Je, Serikali ina mpango gani wa kuwa na kituo kimoja cha kutoa vibali (*One stop center*) kama zilivyo nchi nyengine duniani.

Wizara ya Kazi, Uwezeshaji, Wazee, Vijana, Wanawake na Watoto:

104. MHESHIMIWA OMAR SEIF ABEID (Jimbo la Konde) - Atamuuliza Waziri wa Kazi, Uwezeshaji, Wazee, Vijana, Wanawake na Watoto:

Kwa kuwa kuna changamoto nyingi zinazovikabili vituo vya kulelea watoto mayatima hapa Zanzibar ikiwa ni pamoja na mazingira yasiyordhisha ya majengo yanayotumika kama vituo vya kulelea watoto na kadhalika.

- a) Je, Wizara inachangia kiasi gani cha fedha kwa kila mwaka kwa wamiliki wa majengo yanayotumika kulelea watoto mayatima na wenyе mazingira magumu.
- b) Je, Wizara ina mpango gani kwa upande wa Pemba kupata majengo yake ili kuondokana na kuwaweka watoto kwenye majengo ambayo hayakidhi viwango

Wizara ya Elimu Na Mafunzo ya Amali:

6. MHESHIMIWA ALI KHAMIS BAKARI (Jimbo la Tumbe) - Atamuuliza Mheshimiwa Waziri wa Elimu na Mafunzo ya Amali.

Mara nyingi tumeona uvamizi wa maeneo mbali mbali ya Mawizara, Ofisi za Serikali, majengo ya afya na mengineyo, jambo ambalo halipendezi na linapelekeea kupungua maeneo hayo siku hadi siku.

- (a) Je ni lini Wizara itajenga uzio katika skuli ya Chwaka Tumbe ili kupambana na uvamizi huo.
- (b) Je Wizara haioni kuwa kuchelewa kujenga uzio huo kutapelekeea watu kusogea na wanyama kufungwa, na mandhari ya skuli kuharibika.

Wizara ya Ujenzi, Mawasiliano na Usafirishaji:

16. MHESHIMIWA JAKU HASHIM AYOUB (Jimbo la Paje): - Atamuuliza Mheshimiwa Waziri wa Ujenzi, Mawasiliano na Usafirishaji.

Kwa kuwa Mji wa Zanzibar umeanza kuwa na ongezeko kubwa la magari.

- a) Je, Serikali imeanza kuchukua hatua gani ya kuwa na Mradi wa mabasi ya mwendo kasi kwa kutenga njia maalum katika siku za baadae ili kwenda sambamba na mabadiliko yanayohitajika.
- b) Kwa kuwa huduma nyingi za kijamii ziko katikati ya Mji wa Zanzibar, Serikali imejipanga vipi kukabiliana na tatizo la msongamano wa magari ambao umeshaanza kuathiri baadhi ya maeneo na kusababisha watu kuchukua muda mwingu wa kuingia na kutoka mjini.
- c) Serikali ina mpango gani wa kutengeneza njia mbili kwa barabara ya Bububu ambayo ni nyembamba pamoja na kuwa barabara kuu ya kuingia na kutoka mjini.

18. MHE. SULEIMAN SARAHAN SAID (Jimbo la Chake Chake)- Atamuuliza Mheshimiwa Waziri wa Ujenzi, Mawasiliano na Usafirishaji:

Kwa kuwa Nchi ya Zanzibar imezungukwa na bahari na wananchi wake wanatumia usafiri wa anga na wa baharini ambapo biashara ya kutoa huduma za usafiri wa baharini inaendeshwa na wafanyabiashara binafsi kwa kiasi kikubwa.

- a) Je, Serikali haioni kuwa suala la usafiri kwa wananchi wake si suala la kuwaachia wafanyabiashara peke yao kutokana na umuhimu wa suala hili.
- b) Je, Serikali imejipanga vipi kununua boti kubwa za abiria na zinazokwenda kasi inayoendana na wakati ili kumudu ushindani wa kibiashara katika sekta hii ya usafiri.

Wizara ya Kilimo, Maliasili, Mifugo na Uvuvi:

10. MHESHIMIWA MASOUD ABRAHMAN MASOUD (Jimbo la Bububu) - Atamuuliza Mheshimiwa Waziri wa Kilimo, Maliasili, Mifugo na Uvuvi.

Eneo la Utafiti lililoko Kizimbani linalomilikiwa na Wizara ya Kilimo lina mikarafuu ambayo Serikali imeamua kuikodisha wakati inapozaa.

Je, ni utaratibu upi unaotumika kukodisha mikarafuu hiyo.

Wizara ya Habari, Utalii, Utamaduni na Michezo:

40. MHESHIMIWA DKT. MWINYIHAJI MAKAME (Jimbo la Dimani): - Atamuuliza Mheshimiwa Waziri wa Habari, Utalii, Utamaduni na Michezo:

Mlango mkubwa wa kuingilia Uwanja wa Amani uliopo katika barabara ya Muembeladu na Welezo una milango midogo ya chuma 4. Mara zote milango hiyo midogo huwa haifunguliwi wakati wa kuingia na kutoka mpirani kiasi cha kusababisha msongamano mkubwa hasa wakati wa kutoka.

- a) Sababu gani za msingi zinazopelekea milango hiyo midogo kutofunguliwa.
- b) Kwanini uongozi wa Uwanja unaruhusu wafanyabiashara kuuza bidhaa zao chini ya milango hiyo midogo na kuzidi kusababisha msongamano wa Magari, Vespa na watembea kwa miguuu wanaowania mlango mmoja tu kutoka nje.
- c) Ni lini Wizara itasimamia uondoshwaji wa magari yanayoegeshwa mbele ya mlango mkubwa unaotokea barabara ya Magogoni kwa Mabata na kufungua mlango huo ili kuwaondolea wananchi usumbufu.

Wizara ya Afya:

21. MHESHIMIWA JAKU HASHIM AYOUB (Jimbo la Paje)-
Atamuuliza Mheshimiwa Waziri wa Afya.

Pamoja na Wizara ya Afya kuweka utaratibu wa kutumia walinzi kwa wananchi wanaoingia na kutoka katika Hospitali ya Mnazi Mmoja, bado malalamiko yamekuwa makubwa kwa wananchi wanaofika hospitalini kupeleka mahitaji ambapo wakati mwengine wananchi huzuiwa kutoa fedha za mahitaji na chakula kwa wagonjwa wao. Kwa kuwa wananchi wengine wanatoka mbali ya Mji na huduma wanazozipeleka ni muhimu kwa wagonjwa wao,

- a) Kwanini wananchi hawaruhusiwi kupeleka mahitaji kwa wagonjwa wao ambayo ni muhimu na ndio yanayosaidia matibabu yenewe.
- b) Kwanini wananchi kama hao wasiwekewe utaratibu maalum wa kuwasaidia badala ya kuwekwa hadi jioni wakati wanatoka maeneo ya mbali kama Makunduchi, Muyuni nakadhalika.
- c) Lini Wizara itachukua hatua za haraka za kuwaelimisha askari wanaoshughulikia shughuli za ulinzi hospitalini hapo ili waweze kutekeleza majukumu yao bila ya kuwepo mivutano na wananchi na kutumia lugha za kiungwana na hekima.

III. HOJA ZA SERIKALI:

Waziri wa Afya:

Mswada wa Marekebisho ya Sheria ya Chakula, Dawa na Vipodozi Sheria Nam. 2 ya 2006. - Kusomwa kwa Mara ya Pili.

**Zanzibar,
20 Februari, 2017.**

**(Raya Issa Msellem)
KATIBU WA BARAZA.**